



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : LEI MUK SHUE CATHOLIC PRIMARY SCHOOL

学校名称 : 梨木树天主教小学

Name of Play 剧名 : 寻找幸福岛

Script writer 剧作者 : 黄洁雯老师

Synopsis 故事大纲 :

寻找幸福岛的道路上，船员互相嫌弃。一场灾难，令他们流落荒岛，连船长也失踪了，万念俱灰之际，曙光却突然出现了，光源来自他们各人身上的亮点。到底他们最后能否寻回船长，可否顺利到达幸福岛呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场：船上

众唱：《寻找幸福岛》

翱：喂呀！你又走音喇！好心你走音就咪唱啦！

小：对……对……对不起呀！我唔系有心架！

博：根据我嘅分析，胆小小绝对唔系有心，否则一定更难听！

佑：我有投诉！胆小小唱歌真系超难听呀！

长：气冲冲、博士，你两个唔啱！但佑佑你都唔啱，叫你唔好成日投诉咁嘛！

佑：好！船长，最后一个投诉！懒洋洋根本冇听你讲野架！

懒：(打呵欠)我有听架！船长唔准佑佑又投诉咁嘛！(打呵欠)

巴：船长够唔准你懒洋洋啦！学野喇！(CATWALK)你咪好有活力呢？

金、宝、中：(不停用布抹奥巴马身体)

巴：金、宝、中，你三个搞完未呀？

金、宝、中：有我地金、宝、中，清洁好轻松！

金、宝、中：(不停用布抹佑佑身体)

佑：我要投诉！佢三个好烦呀！

金、真、中：我地停唔到呀！(不停用布抹各人身体)

众：救命呀！

长：叫救命冇用嘅！如果见到深海魔怪，净系识得叫救命有咩用咁？

博：根据我嘅分析，船长嘅意思系——训练时间又到喇！

翱：其实我真系唔明，训练体能同去幸福岛有咩关系嘍！

金：前往幸福岛途中，我们可能会遇到好多危险！

宝：例如遇上大风浪，然后跌咗落水，跟住俾水母炸伤！(金和中按话演)

中：所以我地要好好锻炼，先可以保护自己！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

懒：(打呵欠)船长保护我地咪得嘍！

小：船长又勇敢、又锡我地，我地真系唔驶太惊，少少惊就好喇！呀——

众：咩事呀？

小：旧云郁咗呀！

长：如果有咩事，船长一定会保护你地！但系……

众：但系咩呀？

长：但系我地而家已经进入咗深海魔怪会出现嘅水域范围，所以大家真系要万事小心呀！

小：深海魔怪？我好惊呀！

长：唔驶惊！只要我地好好相处，深海魔怪就搵唔到我地架喇！因为佢最怕欢乐嘅笑声架喇！

众：真系架？哗哈哈哈哈…哗哈哈哈哈……

佑：我要投诉！驶唔驶笑咁耐呀？

懒：(打呵欠)其实都唔知系咪真系有深海魔怪嘅！

翱：系嘍！有冇人见过先？有冇吖？有冇吖？

巴：我咁型，好多人都只系喺传说中听过啦！有几多个真系见过我真人吖？

小：船长话佢嘅家人就系俾深海魔怪食晒架！我一好一惊一呀！

博：根据我嘅分析，我地只要相亲相爱就唔驶惊架喇！哗哈哈哈哈…

众：哗哈哈哈哈……哗哈哈哈哈……

长：博士，你讲得好好呀！

佑：我有投诉！船长成日赞博士，真系好唔公平嘍！

巴：你地唔好咁小器啦！潇洒 D，好不好？

翱：好心你啦！我就唔觉得你有几潇洒嘍！

懒：咪嘈住我训觉啦……

小：唔好嗌交啦！我好惊呀！

博：根据我嘅分析，你地再嘈，深海魔怪好快会出嚟架喇！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

众：哗哈哈哈哈…哗哈哈哈哈……

佑：我要投诉，你地笑得好假呀！

翱：你好麻烦呀！成日投诉！边度乡下架你？

佑：香港！

小：你乡下个个都咁钟意投诉架？我好惊呀！

佑：你再讲我就投诉你！

众：我投诉你呀！我投诉你呀……(吵成一团)

长：够喇！唔准再嘈！大家坐埋一条船，为咗我地嘅目的地——幸福岛，大家要团结呀！

而家两个人一组，我地开始体能训练！

金、宝、中：我地三个唔可以分开架！

长：你三个唔驶分开，懒洋洋加入埋你地组！

佑：我要投诉！船长，佢地组有四个人，唔公平！

翱：船长偏心懒洋洋！金、宝、中咁勤力，同佢地一组咪即系唔驶做！

懒：船长真系偏心我？我系咪发紧梦呀？

巴：当然系啦！船长摆到明系我 FANS 嚟架啦！

博：根据我嘅分析，船长系偏心金、宝、中，所以佢地有得自己拣！

小：唔好嗌交啦！我好惊呀！

翱：叫你唔好再大惊小怪呀！

巴：你咁恶，系人都惊啦！

翱：你好温柔咩而家？

博：根据我嘅分析——

懒：又分析，有冇第二句呀？

众：你好嘈呀！你好烦呀……(吵成一团)

小：你地感唔感觉到呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

众：感觉 D 咩呀？

小：有大风浪呀！

众：大风浪？

魔：好耐冇见喇船长！

长：深海魔怪？

众：(大呼小叫)

魔：小魔怪！今日我地可以食大餐喇！

长：大家即刻返入船舱！等船长保护你地！

魔：小魔怪！捉住佢地！

长：快 D 走呀！

众：(大呼小叫)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场：荒岛

小：船……船长！

翱：船长去咗边呀？

博：根据我嘅分析，船长已经俾深海魔怪……

金、宝、中：船长！

众：呜……

巴：咁呢个又系咩地方呢？

博：根据我嘅分析，呢度系——荒岛！

众：荒岛？

巴：博士，你最聪明，就由你黎谗办法啦！

博：根据我嘅分析，我地首先应该——食 D 野先！冇体力就乜都做唔到！

佑：我要投诉！呢度系荒岛，根本冇野食！

懒：野食？我有好多野食啲！

翱：点解你会有咁多野食架？

懒：平日食饭时，我想训觉吓嘛，咪留起 D 食物先啲！

翱：你竟然懒到连饭都懒得食，真系懒到一个点呀！

小：翱……气冲冲，你唔好再话懒洋洋啦！我觉得佢对大家好好呀！

巴：而家系生死关头，但佢都将食物拎晒出嚟同我地分享！

小：好多谢你呀懒洋洋！

懒：我好多谢你就真呀胆小小，你咁胆小都肯鼓起勇气为我讲说话！

巴：胆小小份人的确好为朋友嘅，同我真系好唔同，我呢 D 叫——浪子！

懒：(向各人分发食物)食野啦浪子！

小：我……我有胃口，我唔食喇！博士，你食多 D 啦！睇下会唔会快 D 谗到办法！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

博：根据我嘅分析，我地应该——搵返船长先！

小：我知！因为只有船长可以教我地点做！呜……

巴：唔好喊啦胆小小！听我讲，我地要潇洒 D！

翱：而家我地无家可归，连凉都有得冲，点潇洒呀？

金、宝、中：(不停用布抹大家身体)

懒：哗！唔驶冲凉都可以干干净净，真系好呀！

金、宝、中：有我地金、宝、中，清洁好轻松！

佑：我要投诉！到底平时系边个嫌金、宝、中烦？佢地明明好有用！

众：(指佑)

翱：我都有份呀！船长明明已经提醒咗我地，只要有笑声嘅地方，深海魔怪就唔会出现，我偏偏唔听，系咁撩交嗌，一日都系我唔好……

博：根据我嘅分析，大家都有份！气冲冲你都唔好太自责！

小：气冲冲，其实你有你优点架！你有勇气讲你心里面嘅说话！

懒：当然，如果改一改个语气更好啦！

翱：但其实我真系有恶意架！我都系一个善良嘅人嚟架！

佑：我梗系明啦！我地同乡嚟架嘛！

众：香港？

佑、翱：系呀！

巴：咁香港咪好嘈？

翱：所以我地想移民去幸福岛嘍！

小：而家船长都唔见咗，仲讲咩去幸福岛吖……

金：我好挂住船长呀！

宝、中：我都系呀！

众：我地都系呀！呜……(唱)《船长在哪方》



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

神：多谢你地呀！

巴：小姐，听我地唱歌，你有冇买飞呀！

小：哗！好惊呀！你……你……你边位呀？

神：我系荒岛女神！一直喺呢个荒岛沉睡！

鹏：咁唔训多阵？

神：我俾你地充满爱嘅歌声唤醒咗！

博：根据我嘅分析，荒岛女神应该可以帮到我地！

神：有乜可以帮到你呀？

佑：我要投诉嗰个深海魔怪捉咗我地船长！

众：我地要救返船长！

神：得——

众：真嘅？

神：唔系唔得！

众：(失望)

神：但系——

众：但系乜野呀？

神：你地要搵一样野！

众：系乜野呀？

神：我有一件法宝，可以帮你地捉深海魔怪，但系件法宝同我一齐沉睡咗好多年，所以已经封咗好厚好厚好厚好厚……嘅尘！

博：根据我嘅分析，我地要搵嘅系一阵风！一阵好强嘅风！

神：冇错！记住！用你地最大嘅力量感动风神，佢就会俾你最强嘅风，启动呢件法宝架喇！（离开）

懒：咁我训阵先喇！我要够训先有力量呀！

博：根据我嘅分析，最大嘅力量系——



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

巴：爱咩嘛！

小：好惊呀！点解你会咁聪明嘅？

巴：沉睡几百年都俾我地爱嘅力量唤醒㗎！呢个仲唔系最大嘅力量？

众：系㗎！

𨋖：好！咁由呢分钟开始，我地唔可以再嗌交！

佑：我要——

众：佑佑！

佑：我想讲我要改咗钟意投诉嘅坏习惯呀！

众：真嘅？

佑：冇错！

小：(自信地)但系我地而家当务之急系收集强风！

众：(全场肃静盯住胆小小五秒)

小：咩事呀？

巴：冇，见你咁勇敢发表意见，有 D 意外啫！

小：系呀！为咗救船长，我想勇敢 D 呀！

众：(拍手)

𨋖：系风呀！一定系佑佑同胆小小为咗所爱嘅人作出改变，感动咗风神呀！

金、宝、中：件法宝嘅尘少咗好多呀！

金：我地再出力抹，睇下可唔可以抹走晒 D 尘！

宝：哗！果然系沉睡百年嘅污垢！真系好顽固呀！

懒：我都要醒醒喇！我要帮手呀！

佑：连懒洋洋都帮手，我地仲等咩呀？

众：我地都要帮手呀！

博：系风呀！根据我嘅分析，我地同心合力感动咗风神！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

小：睇下！件法宝好干净呀！

鹏：我谗我地只系差少少风，大家有冇意见呀？

巴：其实我一直觉得近年最强嘅系韩风！

众：韩风？

巴：我都估到你地一定怪我乱踭架喇！

小：我地系怪你——点解唔早 D 讲呀！

博：根据我嘅分析，大家都会支持你！

巴：咁事不宜迟喇！ MUSIC！

众：(跳 HIP HOP 街舞)哗！好强嘅风呀！

风：有我风神系度，个风再强 D 都仲得呀！

小：多谢你呀风神！全靠你，我地终于明白爱系要互相包容、同心合力同埋彼此支持！

鹏：你地快 D 睇下！

金、宝、中：法宝已经俾风神吹到一尘不染喇！

佑：咁我地而家要点做呀？

风：呢个法宝叫挨风，只要选按 LOCKEMON GO 嘅图标，(POKEMON GO 启动音乐) 就可以 LOCK 住你想 LOCK 嘅 MONSTER！例如深海魔怪！仲唔 GO？

小：天大地大，去边度搵深海魔怪啲？

博：根据我嘅分析，我地而家要……

众：(围成一团咬耳朵)

鹏：你唔好以为我唔知你地觉得我烦呀！

佑：我要投诉！气冲冲又闹人！

小：你地唔好嗌交啦！我好惊呀！

博：根据我嘅分析，你永世都系一个无胆鬼，唔会改变架喇！

懒：你够以为自己真系好醒啦博士！我看不下去你！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

巴：你同我起身呀！成日挂住训，潇洒 D 得唔得架啫？

金：你咁潇洒都系全靠我地三个帮你做清洁咋！

宝：但你从来冇多谢过我地呀！

中：你好冇礼貌呀！

众：你够冇礼貌啦！你仲冇礼貌呀……(吵成一团)

魔：好耐冇见喇各位水手！

小：深海魔怪？我……我……我唔惊你呀！

翱：即刻交返我地船长出嚟！

佑：如果唔系我地就用 LOCKEMON GO 嚟 LOCK 住你！

魔：竟然俾你地搵到沉睡百年嘅珍宝——LOCKEMON GO？仲识扮啖交引我出嚟！

睇嚟你地几个都系人才！咁好啦！只要你地归顺我，我就带你地去幸福岛！

懒：我唔稀罕咩幸福岛呀！

小：冇错！我地要船长！只要船长平安无事，我愿意放弃去幸福岛嘅机会！

众：我都愿意！俾返船长我地呀！俾返船长我地呀……

魔：既然你地心意已决，我就炸咗你地个幸福岛！（施魔法后远处传来爆炸巨响）

众：呀——

长：各位水手，我系度呀！

魔：原来你条漏网之鱼喺度！小魔怪，同我捉晒佢地返去！今晚我地开大餐！

怪：系嘅首领！

博：(按捺风)LOCKEMON GO！

魔、怪：(被绑)放开我呀！

长：各位水手，你地做得好好呀！

众：船长，我地好挂住你呀！

博：根据我嘅分析，当日嗰场大风浪，唔单止冲走咗我地，仲冲走埋船长！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

长：冇错，其实我地一直系同一个荒岛，不过你地系岛嘅东边，我就系西边！

神：我同你地分开之后就撞到船长，船长同我讲佢搵紧你地，我咪带佢过嚟嘍！

长：估唔到一场大风浪，令你地咁大改变！所以话人生有时遇到 D 风浪都系好事！

博：根据我嘅分析，而家大家都知道自己以前成日嗌交系唔好架喇！

小：呢段时间令我地睇到对方嘅优点！

翱：我地以后会好好相处架喇！

巴：可惜幸福岛冇咗啦！

懒：如果唔系我地一定可以好开心咁喺上面生活架！

佑：咁我而家是不是要返香港呀？

神：你地唔介意，咪住呢个岛嘍！

长：其实只要我地每人发挥自己长处，又识得欣赏人地嘅优点，我地住边度，嗰度就系幸福岛啦！

神：再唔系你地可以直情叫我呢个岛做幸福岛架！

小：咁我地以后就一于住喺——

众：幸福岛啦！

佑：我都系返香港喇！我要将呢个咁重要嘅讯息讲俾所有香港人听呀！

众：(唱) 《寻获幸福岛》

※全剧完※